



REPUBLIKA E SHQIPËRISË
MINISTRIA ARSIMIT, SPORTIT DHE RINISË
AGJENCIA E SIGURIMIT TË CILËSISË SË ARSIMIT PARAUNIVERSITAR

NJOFTIM PËR APLIKIM

PËR REGJISTRIM NË REGJISTRIN SHTETËROR TË MËSUESVE TË GJUHËS SHQIPE E TË KULTURËS SHQIPTARE NË DIASPORË

Të nderuar kolegë/e,

Agjencia e Sigurimit të Cilësisë së Arsimit Parauniversitar, mbështetur në ligjin nr. 69/2012 “Për Sistemin Arsimor Parauniversitar”, pikës 8 të Vendimit të Këshillit të Ministrave nr. 104, datë 28.02.2019, Urdhrit nr. 413, datë 26.07.2019, të Ministrit të Arsimit, Sportit dhe Rinisë “Për përcaktimin e kriterëve për krijimin e regjistrit shtetëror të mësuesve të gjuhës shqipe e të kulturës shqiptare dhe dhënien e certifikatave për nxënësit në diasporë”, të ndryshuar, VKM-së nr. 98, datë 27.02.2019 “Për krijimin, mënyrën e organizimit e të funksionimit të Agjencisë së Sigurimit të Cilësisë së Arsimit Parauniversitar (ASCAP) shpall njoftimin: **Aplikim për t’u bërë pjesë e regjistrit shtetëror të mësuesve të gjuhës shqipe e të kulturës shqiptare në diasporë.**

Mësuesit e gjuhës shqipe e të kulturës shqiptare në diasporë (kandidatët) të cilët dëshirojnë të bëhen pjesë e regjistrit shtetëror të mësuesve të gjuhës shqipe e të kulturës shqiptare në diasporë, duhet të aplikojnë për t’u regjistruar dhe të dorëzojnë dokumentacionin e kërkuar sipas afateve të përcaktuara në këtë njoftim. **Afati i aplikimit është data 01 qershor – 30 shtator 2021.**

▪ **Kriteret që duhet të plotësojnë kandidatët për t’u regjistruar në regjistrin shtetëror të mësuesve:**

- a) Të jenë diplomuar në fushën e mësuesisë në institucionet e arsimit të lartë. Përparësi kanë mësuesit e diplomuar në degët gjuhë shqipe dhe letërsi, parashkollor, arsim fillor, histori, gjeografi, etnologji, muzikë dhe arte të kulturës shqiptare.

- b) Të jenë licencuar si mësues, sipas legjislacionit të Republikës së Shqipërisë, Republikës së Kosovës apo vendeve ku zhvillohet program i mësimit të gjuhës shqipe e të kulturës shqiptare në diasporë.
- c) Të jenë pranuar si mësues i mësimit të gjuhës shqipe e të kulturës shqiptare në vendet respektive.
- **Dokumentacioni që kandidatët duhet të dorëzojnë:**
 - a) Kërkesë për aplikim sipas shtojcës 1 bashkëlidhur
 - b) Curriculum vitae me fotografi sipas formatit EUROPASS, shoqëruar me dokumentacionin që shoqëron të dhënat në CV.
 - c) Kopje e një dokumenti identifikimi: pasaportë apo kartë identiteti.
 - d) Kopje e diplomës, në fushën e mësuesisë, lëshuar nga institucioni i arsimit të lartë, përkthyer në gjuhën shqipe dhe e noterizuar (bachelor dhe master ose e integruar).
 - e) Kopje e listës së notave, e përkthyer në gjuhën shqipe dhe e noterizuar.
 - f) Kopje e licencës së mësuesisë e përkthyer në gjuhën shqipe dhe e noterizuar (nëse disponon një të tillë).
 - g) Kopje të përkthyer në gjuhën shqipe dhe të noterizuara të certifikatave dhe të kualifikimeve si mësues të gjuhës shqipe, të marra në Shqipëri ose në vende të tjera (*nëse e disponon një të tillë*).
 - h) Dokument që vërteton që kandidati jep mësim në gjuhën shqipe, i përkthyer në gjuhën shqipe dhe i noterizuar (të saktësohet nëse është institucion publik apo privat, nëse është punë me kohë të plotë ose të pjesshme), *me përjashtim të rasteve kur ky dokument lëshohet nga përfaqësitë diplomatike.*
- **Aplikimi dhe dorëzimi i dokumenteve të cituara më sipër mund të bëhet në një prej formave të mëposhtme:**

Nëpërmjet adresës postare: ASCAP, Rruga Naim Frashëri, Nr. 37, Tiranë,

Nëpërmjet adresës elektronike diaspora@ascap.edu.al

Nëpërmjet formularit të aplikimit online në linkun:

<https://forms.gle/vTvymDbYGZQUFUWw9>

Faleminderit!